

# Багъчуд хөөнә көдлмшт

Каспийск района, „Оленичевский“ гидг совхозд ах хө-  
өч болдж ұр Урзгалиев Алек-  
сандр көдлджәнә. Энүнә отарт  
сакманщикұд болдж кесг багъ-  
чуд көдлджәсмн. Ода тедн хө  
киргългәнә көдлмшт йовцха-  
на. Ёлгүрнъ, ұурмұд Галина  
Лиджиева, Тамара Манджиева,  
Мария Очир-Гаряева болн  
нанъ чигн багъчуд килмджән  
өгәд көдлсн учрар, хәләдж-  
асрдж йовсн хургъдаснъ нег  
чигн гару уга. Тегәд сәәнәр  
көдлдж йовснд әдниг совхо-  
зин директор болн рабочком  
күн болгъиг 150 арслнъгар  
мөрәлв.

Ода эн багъчуд машигъәр  
хө киргългәнә дамшлт сурч  
авхар седклән тәвдж көдлджә-  
цхәнә. Одрә зурагъан 100—  
130 процент күргдж күцәц-  
хәнә. Хө киргългәнә сән  
дамшлтта ұурмұд Жарикова  
Александра, Щербакова Раи-  
са, Пожидаева Евдокия болн  
нанъ чигн улс әднд сургъмдж,  
дөнъ-тусан халдадж йовцхана.

Совхоз одахн арвн минъгън  
килограмм торгън ноос госу-  
дарствд орулдж өгв. Хө кир-  
гългәнә көдлмшин гүргү бол-  
джана. Хө киргългәнә цуг  
агрегатс әвдрлт угагъар көдл-  
джәнә.

**ОЧИР-ГАРЯЕВ.**